



Vita de ploania y de paisc

- **Aziun dai Trei Resc:** a gauja dla situaziun atuala de pandemia gnará l'aziun endò ma motüda da jí **en Santabogna dla gran messa te dlíjia**. L'ancionsc gnará benedí dertan la gran messa dla **domegna ai 2 de iener** y vigne familia é enviada da s'an porté do messa a ciasa. L'oferta pó gní fata **en dedemesaledema ai 5 de iener** dla messa prefestia y **en Santabogna** dla gran messa. Emplü pón ince fá spenores online sön <https://www.jungschar.it/allgemein/spenden/>
→ I Ves enviun da ti ciaré al **film** de prejentaziun dl'aziun **"Aiüt sot a na bona stera"**, en **dedolönesc ai 28 de dezember ales 20:50** sön Rai Ladinia o en **dedemesaledema ai 29 de dezember ales 20:20** sön Rai Südtirol (todesch).

1 Enformaziuns y termins

Ciasa de Palsa: la Ciasa de Palsa á daurí danö la bandida por n/na diretor/ia. Al é gnü arbassé n pü i criters de azes ala inciaria. Por tó pert ala seleziun ciarede www.ciasadepalsa.it. La domanda é sen da dé jö cina ai **04 de forá 2022** dales 12.00. Info, ☎ 0474 524783.

Prozesciun: le grup „Val Badia präia“ met da jí na prozesciun con linternes d'La Pli cina fora Sares, en San Silvester ai 31 de dezember olá che an ô perié por la fin dla pandemia, por la Dlíjia, le papa, i veschi, i prei, por la pêsc danter la jont, por i regnanc, por les families. An peia ia ales 6:30 da doman da dlíjia demez.

Iscriziuns ala scolina por l'ann 2022-2023: la Direziun dles scolines "Ladinia" comunicheia che les iscriziuns ales scolines por l'ann 2022/23 podará, desco belo l'ann passé, ma plü gní fates online. Le genitur co fej l'iscriziun adora porchel le SPID (Sistem publich d'identitè digitala). Al sará poscibl da fá l'iscriziun **dai 10 ai 18 de iener 2022 tres le portal online** dla provinzia autonoma de Balsan "IOLE" y al pó gní scrit ete mitans y mituns nasciüdes y nasciüs danter i 01.09.2016 y i 31.12.2019.

Plü enformaziuns y ajornamonc en cösc cunt gnará motüdes/metüs plü ennant sön la plata web dles scolines <http://www.provincia.bz.it/formaziun-lingac/scolina/default.asp> o é da ciáfè pa vigne scolina o pa la Direziun dles scolines, ☎ 0471 797117.

A düc canc en Bun Ann de benedisciun, sanité y fortuna!

Döt le bun a:	Maria Teresa Complojer Piazza, Al Plan	* 27.12.1946
	Jan Ploner	* 28.12.1946
	Irma Rubatscher Feichter, La Ila	* 29.12.1939
	Anna Maria Erlacher	* 30.12.1935
	Albert Willeit, Ansele	* 01.01.1940
	Elisabeh Meraner Winkler	* 01.01.1947
	y a düc chi co á santennom y compless i agn cöst'edema	

Impressum: Ploania d'La Pli; redaziun Franz Rigo y Edith Willeit
Comunicaziuns: cina le **dedemesaledema** sera a Franz Rigo, ☎ 347 2310129 o ✉ ploania@gmx.net
Download plata: www.unitepastorala.org




Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas
✉ klsottsas@rolmail.net

Calogna Al Plan: ☎ 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

26.12.2021 - FESTA DLA SANTA FAMILIA

n. 5

Le dessegn de Chel Bel Dio con vignönn de nos

📖 1 Sam 1, 20–22.24–28 | 1 Jan 3, 1–2.21–24 | Lc 2, 41–52

Dal Vangelo do San Lüca:

⁴¹I geniturs de Gejú jea vign'ann ala festa de Pasca sö lerúsale. ⁴²Canch'al á complí dodesc agn, éσαι endò jüs sö, desch'al ea üsanza por la festa. ⁴³Canche i santus ea passés, s'ái endò motü sön tru da jí a ciasa. Le möt Gejú endere ea romagnü a lerúsale zonza che i geniturs s'an ess anadé. ⁴⁴Ai minâ ch'al foss enzai pa i peregrins y â fat n iade de n de; spo l'ái chirí danter i parenc y conoscenc. ⁴⁵Mo canch'ai ne le ciáfà nia, éσαι endò jüs a lerúsale a le chirí danló. ⁴⁶Do trei dis l'ái ciáfè tal temp; al ea sonté amesa i maestri ete, ti ascutâ pro y fajea domandes. ⁴⁷Düc chi co l'aldia se fajea demorveia por söa intelionza y por söes respostes. ⁴⁸Canche sü geniturs l'â odü, s'ái fat der demorveia, y söa oma ti á dit: Möt, co podêste pa nes fá cösc? To pere y iu t'án chirí plens de pora. ⁴⁹Y el ti á dit: Ciodi m'eise pa chirí, ne sâse nia ch'i messi me dé jö con ci co é de mio Pere? ⁵⁰Mo ai ne capí nia ci ch'al orea dí con chel. ⁵¹Spo él jü empara derevers a Názaret y ti stea sotmetü. Söa oma mantignia ci co ea sozedü te so cör. ⁵²Y Gejú cherscea de sapionza, eté y grazia dan da Idio y la jont.

I ponsun do: Le Vangelo pó se daidé a can che i án dificoltés te nostes families y nosta comunité deache vignönn ó realisé sü proiec de vita. Geniturs fej plans por sü mituns - i mituns va do sü trus. Le Vangelo se mostra che belo la Sacra Familia á albü en te conflit. Al se mostra endere ince che la familia o la comunité ciáfà le der tru sce an chir le plann che Chel Bel Dio á por nosta vita.

I periun: Dio onipotent, tö es pa nos. Stasse dlungia por ch'i podunse sontí töa man te nostes families y te nosta comunité y ch'i podunse conesce töa orenté. Por Crist, nosc Signur.

Vesco Wilhelm Egger "Sonntagsbibel"



📖 Letöres dla Secunda domegna do Nadé:
Sir 24, 1–4.8–12 | Ef 1, 3–6.15–18 | Jan 1, 1–18

Edema liturgica dai 26.12.2021 ai 02.01.2022

DOM 26.	FESTA DLA SANTA FAMILIA <i>San Stefo pröm mártire, Stefania</i>
08:30	gran messa por dōta la ploania <i>♫ grup dal Cor</i> s.m. d'aniversar por † Heinrich Erlacher, Tomele <i>oferta por la ploania</i>
10:00	<i>s.m. a Al Plan</i>
Lön 27.	fiesta de San Jan apostul y evangelist, <i>Fabiola</i>
→ 08:00	s.m. do intenziun d'La Musiga <i>♫ La Musiga</i> s.m. por infermieres y infermieri con benedisciun dal vin de San Jan
Ded 28.	fiesta dai mituns inozonc da Betlehem, <i>De fantú</i>
07:30	s.m. en onú de Santa Maria y Sant Ojep por na porsona amarada s.m. por †† Emma y Angela Maneschg, Ciane
Dem 29.	5° de dl'otava da Nadé <i>Davide, Tomesc Becket, Lothar, Tamar</i>
Jöb 30.	6° de dl'otava da Nadé <i>Felix I., Richard</i>
19:30	s.m. por †† Paola y Edoard Maneschg, Col Marchet s.m. por i †† de Terza, Costamesana s.m. por i †† da Poz, Fordora
Ven 31.	7° de dl'otava da Nadé <i>Silvester, Melanie, Alan</i>
→ 19:30	s.m. de rengraziamont en onú de San Silvester <i>♫ grup dla Musiga</i>
Sab 01.	OTAVA DE NADÉ - GRAN FESTA DE SANTA MARIA OMA DE DIO <i>Nanü, De mondial dla pêsc, Wilhelm</i>
08:30	gran messa en onú de Santa Maria por la ploania y por la pêsc <i>♫ Charles Gounod, "Missa brevis in C"</i>
18:00	<i>s.m. prefiesta a Al Plan</i>
DOM 02.	Secunda domegna do Nadé <i>Basile le Gran y Gregor da Nazianz</i>
08:30	gran messa por dōta la ploania <i>oferta por la ploania</i> s.m. por †† Jan y Valeria Ellecosta, Gogn s.m. por †† Jep y Angela Rovara, Plans
→	benedisciun dal ancionsc dai Trei Resc y dl'ega y dal se
10:00	<i>s.m. a Al Plan</i>
ampola:	por les families Rovara, Plans
ministronc:	• dedolönesc y sabeda: Sofia y Sara • jöbia y domegna: Daniel y Natalie
i recordun:	Margareth (Eta) Baldissera † 28.12.2017 Jep Morlang, Al Plan † 30.12.2013 Rosa Maria Erlacher Untersteiner, Meransen † 01.01.2021



Le Fi de Dio ven söla tera, cunté ai mituns (5)



Les empormotüdes de Chel Bel Dio s'avereia (3)

(Mt 1,18-24, Lc 2,1-37)

Püch dedô portâ Maria y Ojep so möt a Ierusalem tal templ, desche i israelic fajea con le prömnasciü. Enló á ofrí en sacrificize por el. A Ierusalem viêl en el co â ennom Simeon y co ti orea bun a Chel Bel Dio y le stimâ. Al aspetâ le Salvatur che Chel Bel Dio ti â empormetü a so popul. Chel Bel Dio ti â dit tres le Spirit Sant, che al ess ciamó odü le Salvatur, denant co morí. En chel de che Gejú ea gnü porté tal templ da sü geniturs ti â le Spirit Sant endô baié a Simeon, y ensciö êl ince el danló. Canche al â odü Gejú l'âl tut tai brac y â perié dadalt: „Signur, sen pó to sorvidú morí en pesc, deache mi edli á odü le Salvatur che tö as mené por dōta la jont. El é la löm, tres chera che to popul y la jont de döt le monn odará la verité.”

Maria y Ojep se fajea demorveia de söes parores. Simeon i â benedí y â dit a Maria: „Düc i scienziés de Israel se stritará por to möt. Trec se dessenerá y ne capiará nia i trus de Chel Bel Dio, trec d'atri endere consolarâl y renforzarâl te söa fede. El é en segno de Chel Bel Dio, cuntra chel che trec se metará. Ince tö messarass sté fora trepes soferenzes.“

Ince na era ti ea jüda pormez, na profeta dal ennom Hanna. Ara ea belo der tai agn y jinâ y periâ de y net tal templ. Ara laldâ Chel Bel Dio y cuntâ a düc chi co aspetâ le Salvatur de Israel, de cösc möt.



Oraziun por l'ann nō

*Dio onipotent
da meterman l'ann nō te periunse:
Acompagneia nüsc vari
tal tomp co á da gní
y ciara de nos
y de düc chi ch'i encuntarun.
I ne san nia a ci ch'i ti jun adancuntra.
I ne san nia ci ch'al gnará ieré da nos.
I ne san nia sc'al sará da cighé
o sc'al sará da bradlé.
Ciara de nos, oh Dio,
anfat ci co gnará.
En te confidunse,
te töa man él nüsc ennom,
nüsc proiec, nosta vita.
Con te la vaigunse da jí tal dagní.
Sta pa nos por döt le tomp co nes é scinché.*